

明

史

明史卷四百十一

土司傳

土司三

雲南古梁州南境史稱西南靡莫之屬以什數滇最大漢元封中始兵臨其地滇王請降而後漢稍郡縣之自後或附或叛蜀漢嘗官其酋長龍佑那賜姓張氏其旣迭有著姓曰蒙氏鄭氏趙氏楊高氏段氏凡七姓惟蒙段最大各世稱王其餘諸族以百數名百夷大抵居黑水之表者曰僂人居其裏者曰蠻人且亦以表裏分黑白如所云黑羅羅白羅羅者他若些門麼些禿老蒲人和泥蠻土揀羅舞羅落撒摩都摩

察儂人沙人山後人哀牢人峨昌蠻儼蠻魁羅蠻傳
尋蠻色目瀾河尋丁蠻粟些各以族類據諸蠻中自
漢唐迄元但以兵力羈縻之入明南征竟版籍其地
辟菁落而加以經畫彷彿神農開地至日月之表者
創置雲南楚雄臨安大理諸府為內地而更以元江
永昌之外甕川車里諸地為西南夷一如舊時成都
之祝滇池其南以元江為閩車里為蔽而達於八百
其西以永昌為閩甕川為蔽而達於木邦其西南則
通緬甸而底於南海其東南則通寧遠而竟於安南
其西北則拓麗江而達於吐蕃幅員廣大至是已極

雖夷性靡常叛伏不一而控制繹絡鞭箠可使故當
洪武南征時甫命三將軍入雲南而來安府土知府
岑漢忠與其弟漢良招諭定遠諸府縣十有八處進
表願附帝以原官嘉勞而武定府土官法叔之妻商
勝率諸部按兵獻印請為編氓詔授勝中順大夫武
定軍民府女知府錫之詔命并賚朝服及織金羅衣
綬帽金帶蠻人大附惟大理段世致書請依唐宗故
事僅奉正朔為外臣征南將軍傅友德與副將沐英
藍玉共討平之獲世獻俘以次撫軍里麻些和泥平
緬諸蠻遂移兵討烏撒東川芒部置大渡守禦千戶

所率兵守之以通往來乃以烏撒烏蒙芒部地近四
川奏隸四川布政司已得上諭謂地廣兵稀不宜分
屯但當於赤水畢節七星關各置一衛而駐一營於
黑張之南瓦店之北會征南諸軍方分兵出攻未伏
諸蠻而土酋楊道謂城虛守弱遂相煽叛糾衆二十
萬合三十六營攻城時城中乏食守將馮誠嬰城守
出奇兵殺賊沐英從烏撒還援斬賊六萬餘級生擒
四千入遂定乃於麓川之外征緬甸及八百媳婦諸
國擊破會川土知府王春於金沙江就諸府築城建
衛檜廣南土官懷傾佑送京師開建昌新道置驛徙

中土大姓以資之討樂蘭州常富及廣南特摩道雲
南蔡洞西浦擺金擺撈諸蠻并討平越蠻麻哈揚孟
等大置屯田自楚雄至景東每百里置營率兵屯種
會麓川思倫法遣使朝貢已獻元所授平緬宣慰印
而結砦入寇沐英遣寤正張因大敗之於摩沙勒賊
復悉衆瓊三十萬戰象百餘再寇定遠乃以火銃神
機箭擊象焚象背戰棊俘斬萬衆生擒象三十有七
其渠昭錄昭綱刁斯郎理等皆被矢死象背蠻俗稱
宣慰為昭總領為昭孟把事諸目為昭錄昭綱昭百
昭哈斯准以次臣屬遂轉向討越州土目苦麻部蠻

阿資敗之普安斬其渠瀝己青阿資恃險不伏復合
擊斬其火頭尖宗等阿資窮蹙與其母請降因置越
州馬隆二衛以控其地已而再叛都督何福再平之
乃置府二十左右分畫左曰迤東右曰迤西間以大
江東北曰金沙西南曰瀾滄其官軍戍守及五方之
人或旅或處錯雜相侷者是曰漢人其生夷曰夷人
分爨焚爲界爨屬郡縣焚屬羈麼總計夷漢則漢三
夷七分計兩夷則焚三爨七開設土司衙門置車里
木邦孟養緬甸八百大甸六宣慰司及孟定南甸芒
市三府鎮康灣甸大候威遠四州十二關納撻茶甸

干崖鳳溪等十二長官而以諸夷教叛賜姓刁彙罕
永樂三年搃家生夷酋偈方物入貢置老撾宣慰司
四年孟措生夷酋來附置孟艮府遣中使楊瑄與雲
南千戶孟景賢往諭百夷諸生部落於是大古刺小
古刺及其隣境諸番曰底馬撒曰茶山曰底拔曰孟
倫曰八落搭皆遣隨中使貢方物且言諸部落皆西
南極邊自昔未通中國願內屬乞設官統理於是詔
置宣慰司二長官司五遣官賫詔敕印符賜之乃以
車里木邦孟養緬甸老撾攏川平緬八百大甸七宣
慰司十二關納接茶甸教化三都王弄山虧容甸溪

處甸思陀甸左能寨落空甸安南祿谷寨刺次和章
甸香羅瓦魯之因連羅必甸馬龍他郎甸者樂甸屬
布政使司潞江鎮遠楊塘三安撫司恩溪施甸茶山
促瓦散全里麻六長官司屬都司統隸之兵部武選
設武定飛江景東元江順寧永寧鎮沅蒙化孟艮孟
定知府十人寶山南甸蘭州灣甸寧州昌州北勝天
候雲龍蒞葉鄧川安寧威遠霑益羅雄鎮康陸涼知
州十七人館西嶺峨雲南亦佐羅次元謀知縣六人
廣南姚安同知二人鶴慶知事一人干崖經歷一人
巨津師宗蒞葉通安北勝鎮南姚州順州州同知八

人北勝南安鎮南州判官三人雲南楚雄亦佐易門
定遠永平縣丞六人昆明雲南廣通嶧峨定遠楚雄
主簿六人威遠州目一人五井順益鹽井副使二人
連為古刺騰樹樣脩觀音山茨橋德勝關洱西在城
打牛坪晉寧易龍驛丞十二人金齒水眼鄧川州寧
善順寧尋甸禾摩村東山口瀾滄江師井打牛坪盪
井金沙江十二關脩溪江青索鼻翼納更山蒲陀陟
鎮南箭捍場關索嶺鐵爐青水江黑鹽井西金沙江
赤水鵬定西嶺龍樹關蔓神寨佻甸白水關南平關
黑鹽井阿雄村戛賴元江禾摩村安南坡祿祿棟象

關楚雄縣於詔舖觀音山鳳羽鄉東金沙江回登關
湯池英武關巡檢二十五人改流二十五人增設鶴
慶尋甸廣西知府三人馬龍彌勒維摩阿達知州四
人路南蒙自知縣二人楚雄府同知一人麗江府照
磨一人浪穹典史一人彌勒沙鹽井副使一人永平
潞江羅卜思庄雲南驛丞五人宣化關甸頭樣備神
摩洞下江南安州普昌石門關彌沙井雲龍甸煉象
關楚場巡檢一十二人統隸之吏部驗封其所設土
司皆置長食其土歲各量出差發銀多不過二千五
百兩少者四十兩或五十兩連互數千里貢道分上

下二路宣德七年鈕兀生夷酋新附置鈕兀長官司
正統三年以麓川思任法叛討平之草麓川平緬宣
慰使改置隴川宣撫司于隴把陸南甸州干崖長官
司為南甸干崖二宣撫司改芒施府為芒市長官司
四年哈九生夷內附置孟琿長官司成化十四年尋
甸知府妥晟死兄弟爭襲改尋甸土知府為流官知
府廣西亦如之弘治十七年增設寧州流官知州隆
慶初以武定鳳氏屢叛討平之改設武定府流官知
府增守禦所二年增設鄧川州流官知州萬曆十三
年平羅雄州土酋者繼榮亂改羅榮州為羅平州調

曲靖中左所為定雄所三十五年平順寧知府猛廷
瑞亂改設順寧府流官知府改大候州為雲州設流
官知州四十二年以雲龍州知州段進忠殺土官段
嘉龍受誅改雲龍州土知州為流官知州裁革五井
提舉以鹽課併歸之其土官著姓者土知府則景東
陶氏蒙氏左氏麗江木氏順寧猛氏永寧阿氏廣西
昂氏鎮沅刀氏元江那氏尋甸安氏武定阿氏土同
知則姚安高氏廣南儂氏土知州則安寧董氏鄧川
阿氏雲龍段氏北勝高氏寧州祿氏大候奉氏霑益
安氏路南秦氏羅雄海氏寶山蘭州羅氏畱州沈氏

土知縣則謂執祿氏雲南楊氏元謀吾氏其王司著
姓自蒙段七姓後雜以卜氏多氏思氏莽氏普氏猛
氏沙氏及刁氏曩氏罕氏大抵諸夷風俗與中國大
異冬夏寒暑晝夜長短一切均等惟臨安以南五邦
之民稍苦燠熱咸剪髮以避鬱毒地多海子有江水
可通舟楫其落坎處飛瀑流沫奔陷數百丈俗謂之
嵌則尺撐寸筏所不得渡其十二府地半屬梁州益
州之間但多襟蠻舊為莊蹻所開本名滇國俗無禮
儀男女趨捷不鞍而騎食貴生貿易用貝凡貝數一

貝為庄四庄為手四手為苗五苗為索雖租賦亦用
之推髻編髮處子媼婦必先竊髻而後成婚其在臨
安為句町國毀江合強宗休制羅伽三部景東拓南
漢未有其地永寧名接頭跋順寧蒲蠻其夷俗時與
漢同然究不相習七軍民府多麼些新丁阿變成倡
諸族自楚雄迤南有名真羅武人者死則累以獐鹿
犀兕虎豹熊羆之皮棄之深山久則其人即隨所累
皮化為其獸而去又蒲人縲人哈刺其人色黑如墨
有被殺者視其骨亦黑鹿江屬州男女鎔松脂束髮
每一歲為一縷行則錯然有聲地產犛牛不能耕惟
斷其尾蓄染之以篩盂介州界有閩人皆不得入惟

府吏得入故人嘗願為府吏諸甸本土羅羅和泥人
好相殺死則償以財家無姓名其有名者或遞承其
父名之末字顧無姓弘治中知府陳晟以百家姓首
八字司分一字加于各名之上諸甸皆受惟納接不
受其外百夷館以木邦為首木邦與孟養同俗男貴
女賤雖細民視其妻如奴僕男子白衣文身婦繫圍
插裙操作其迤西南甸設南牙山關甚險在騰越南
有山名羊箇山者山巔北積雪南炎瘴如炊蒸婚禮
置茶穀于筒婦人怪者或化異物富家化牛馬貧家
化猫狗至夜伺夫寐以短木置夫懷中夫不能覺即

化去攝人魂魄至死食其肉有守者逐得則夫豕亟
出金往贖否即殺之干崖土熱四時皆蚕取其絲織
五色土綿充貢隴川雞鳴無時牝雞亦能鳴魚有鮎
頭鯉身者牛有水牛頭黃牛身者惟威遠莫蒙寨有
河汲水煉炭上可為細鹽灣甸名細賧水不可涉有
黑泉如點漆漲時飛鳥過之輒墜夷以竿絰布濯而
暴之用拭盤盂人食其物立死芒市名太枯賧小枯
賧又名怒謀男累足衣縵布女分髮直額為一髻跣
而衣皮者樂甸互市五日十日一集旦則婦日中則
男更代貿易永昌舊名金齒即古哀牢國唐名六詔

蠻地稱王曰詔有蒲人其在永昌鳳溪施甸及十五
喧二十八寨皆濮種不知荷擔負竹箕于背入水不
湛其在蒙自及教化三部十八寨者疏野蒲其八百
館八百大甸先有土酋置妻八百各領一寨名八百
媳婦洪武初其酋刀攬那內附設宣慰每遇改元則
頒敕諭金牌勘合與緬甸同其俗事佛教僧見客無
跪拜之節把手為禮男女皆刺花樣眉日間以為飾
老撾車里亦如之車里則額上增刺一旗其地過紅
衣及景東界度險數日皆平地戶多接居接出陞謂
之掌可晾衣物其下蓄六畜人娶四五婦不妬供作

皆妻妾夫死則棄之無娶者曰鬼妻有過客顧贊謂
之上接上接則剪髮不得歸其家人聞之輒痛哭如
生死隔絕曰車里上接矣凡食牲不殺呪而死其緬
甸館本元邦牙軍界金沙有屋廬舟筏其國書為緬
文進上者書以金葉次貝次揆揆葉緬酋摘案悉用
金出則乘白象張金葉曲柄傘以竹皮為冠環挿珠
翠以飾之國人稱酋曰卜刺浪男女衣白氎白莎羅
布裸而塗以白檀姜黃之末額地熱日三浴于河日
沒時海如雷鳴日入即止立阿瓦刺城邦啞真根諸
寺有事則抱佛說誓自諸府州衛以及百夷郎甸所

稱三宣六慰者其土俗隨在各異獨正火把節在六月二十四日云是日南詔誘殺五詔于松明採取以為節自二十日後家懸大火樹於庭不分老穉人執一炬炬互相燦灼以為樂有鬚眉焚脫者日具膾脍設酒召姻婭貧家亦醪飲于市醉則聚廣地明火相撲遇水則執炬者躍波而行無炬者浮奪之自貴州善安以達于雲南一境皆然無敢禁者

雲南府本號鳩擦標標毒攬号烏蠻所居唐後屬南詔改名善闡歷鄭趙楊三姓至大理段氏以高智升領善闡遂兼有其地元末段氏世襲宣慰使有段功

者初為蒙化知州以死無嗣襲總管時元宗室皇子忽哥赤為梁王鎮善闡明玉珍自湖入川統紅巾三萬攻雲南梁王走威楚諸部悉亂功駐兵呂閣敗紅巾于關灘江時紅巾收合餘眾再戰功在陣中得玉珍母寄其子書戒勿輕還功摩其書跡易之候之歸玉珍得書疑國中有變又新失利竟旋師功追之至七里關大勝而還王素仇段氏至是深德功以女阿禧主妻之奏請授雲南平章曲意承奉功遂留善闡其原妻高氏在大理善文寄樂府詞邀之功乃歸已而復來或諧于王曰段平章歸而復來此必有

不利于善關者盡早圍之王曰然密召阿祿王付孔
雀膽一具令毒功主不忍夜語功曰我父忌阿奴將
殺奴矣願偕奴西歸因出毒具示之功不信曰爾父
視我原吾耻自蹶傷爾父尚為我累之何得有此再
三言不聽明日王邀功東寺演梵至通濟橋馬逸王
令者將格殺之主聞變失聲哭曰阿奴不聽吾言致
有此雖然吾不負阿奴起自裁王守之截主愁憤將
死乃作詩曰吾家住在雁門深一片閒雲到滇海欲
隨明月還蒼山誤我一生踏裏彩吐魯吐魯毆阿奴
押不蘆花何處採肉屏獨坐細思量昆西鐵立霜灑

灑踏裏彩被也吐魯無知也狎不蘆回生草也肉屏
者索馳也昆西昆陽之西鐵立松也時主從各死而
功之子寶女僧奴不忘復讐僧奴將遠建昌華黎氏
出手刺繡文旗以與寶曰我自束髮聞父克恨非男
子不能報此旗所以識也是時高皇帝即位金陵改
元洪武而梁王尚擬善闡與元主相通復奏舉寶為
雲南左丞未幾明玉珍復侵善闡王借兵大理寶答
書曰平章已亡兄弟罄絕止遺一葵一奴恐不足配
阿禮主矣乃謝其使急奉表歸高皇帝高皇帝答慰
之時有妖巫女歌曰莫道君為山海主山海笑諧諧

國中花謝千萬朵，別有明主來。未幾寶病死，子明嗣明。又死叔父世典國事。洪武十五年，三將軍破善闡，梁王敗走。世上書請奉正朔，修歲貢，不從。再上書詞，旨罵驚三將軍，大怒督兵並進，大敗之。擒世并寶二孫，直仁、直義俘京師。帝釋之，賜直仁名歸仁，授雁門衛鎮撫。直義名歸義，授永昌衛鎮撫。以寶、魯表降故也。餘悉伏誅。

景東古拓南地，元始內附。以所部隸威楚萬戶，統威遠州。及案井毋龍猛統阿龍三甸，洪武初，大兵至楚。雄王官俄陶襲知府阿只魯職，爭先納款，獻鎧仗馬。

匹并元所給牌印帝嘉之即授陶景東知府頒印世
其職既而思倫攻景東陶奔白崖帝為立景東衛命
陶往鎮而別以流官掌印蒞府事陶至鎮勤慎守法
不敢踰尺寸夷漢安之因仍復知府頒賜金帶且錫
誠心報國四大字褒之陶死子陶幹嗣遂世氏陶正
統中陶瓚狂麓川有功加級至陶金以它事未襲印
被奪及追得印始襲後有陶明卿最名
永樂二年帝以百夷新附命製信符及金字朱牌頒
給木邦八百大甸麓川平緬甸車里老撾六宣慰
司干崖大候里馬茶山四長官司潞江一安撫司以

及孟良孟定灣甸鎮康等府州土官其製以銅范信符五陽文者四陰文者一以一合四俱相符陽文分列文行忠信四字而陰文則燕列之乃作批文勘合底簿自一號至百號止其號之字則車里以車字緬甸以緬字各編底簿而發陰文信符及批文勘合百道于諸土官發底簿于布政司其陽文信符及批文百道則藏之內府九朝廷遣使齎陽文信符及批文各一至布政使比同底簿然後遣人送使往令土官比同陰文信符及勘合即如命行其信符之發初發文字次發行字周而復始又製朱牌鍍金字敕書其

上諭之其文略曰敕土官爾以遠人慕義慮大小臣
民假朝廷差使需索將命禮部鑄信符付爾凡調發
及當辦諸事須憑信符乃行如越次及比字號不同
與有信符無批文有批文無信符者皆詐也其禽之
至京處以死罪至勘合百道凡軍民疾苦及奉信符
所辦諸務與貢獻方物俱填寫勘合與司比號而書
之底簿然後司官亦遣官同齎奏聞若違疆機事徵
發調遣從三司官會同計議已經承行則亦填寫勘
合奏聞如例毋忽

初孟璉屬麓川平緬宣慰司其後屬孟定府永樂四

年設孟璉長官司以刁派送為長官而孟定土知府
刁名扛本平緬頭目與派送等夷派送遞服屬不屑
遂于其子懷罕入貢時上言孟定孟璉比有族無統
轄統轄未便遂改隸都司而促瓦散金二長官司亦
以土官註甸八請不屬之麓川平緬而屬之都司順
夷情也其後溪處甸長官自思以所屬臨安歲責納
海肥七萬九千八百索本司無有仍須向臨安買給
未便因願改隸他府廷議除其稅而仍不改隸帝從
之

車里為倭泥路樵蒲刺黑角諸蠻雜居自昔不通中

國元將兀良吉解伐交趾經其部降之置徹里總管
領六甸洪武十七年設車里軍民府十九年改宣慰
司以土官刁暹答為宣慰司永樂改元暹答內侵
官吏西平候請討之帝遣使詰責梅懼還所鹵及地
入謝會八百者乃八百大甸初附設二軍民宣慰使
司以刁招倫刁散為二宣慰使而暹答惡遣頭目攬
線思奏請舉兵攻二宣慰不聽暹答死子刁更孟襲
職更孟死子刁霸美幼叔父刁怕漢請暫典州事俟
霸美長還之謂之借職既而怕漢亦死怕漢妻恃勢
請以女土官借職不許密召前夫子刁弄冒為暹答

孫請襲職竟于永樂十五年襲宣慰使而以更孟之
弟刁襲孟為土同知十八年襲孟惡刁弄強冒反壓
已事多掣肘衆蠻人不服奏言弄暴民民無寧居乞
別設治所分其衆因設靖安宣慰司而以弄為車里
宣慰雙孟為靖安宣慰相抗弄大恚日興兵事讐殺
先是永樂末布政使承差劉亨微差發銀于車里誑
弄派取諸部銀預輸之官應免常年差發而以每年
微輸仍不免至是益甚宣德三年承差洪溢來微銀
蠻人大訐謂刁弄賣已自賄遂聚衆佐雙孟逐弄弄
不敵投之老撾溢乃奏稱車里宣慰刁弄與靖安宣

慰乃毀孟讐殺棄地投順他族請差官祭治招撫帝
令黔國公同三司按問會雙孟死子乃霸供襲靖安
宣慰而弄亦死老搥于是弄母乃具言兒弄為承差
劉亨所賣預科差發銀而後徵之蠻人不平故兒弄
奔老搥貸責思以償民乃不幸蒙霧露死矣又不幸
蒙惡聲兒弄實未嘗棄地亦未嘗與雙孟讐殺投他
族三司乃上狀罪亨等而更孟之子霸美亦年長遣
土目召哀入貢并請襲職帝命霸美襲車里宣慰而
以霸供為靖安宣慰如故九年霸供上言靖安即車
里舊地但以析作二治致起爭端今請仍合為一歲

貢羨發悉如舊例以杜後患帝從其請遂草靖安宣
慰司合之車里而以霸侯霸羨並為宣慰遣使賫信
符敕書文綺賜之傳至嘉靖間緬甸侵車里車里附
緬然有二宣慰其在大車里者應緬在小車里者應
漢至萬曆中官軍大征緬宣慰刀孺猛畏之乃始貢
象進方物并一應羨發如故是後無附緬者

高思弄楚雄土官高政女也永樂中政朝行在會成
祖北征昭皇帝監國召政語悅之陞知府且命其子
孫世襲同知政卒無嗣其妻請承襲知府許之既而
妻又卒宣德五年政女思弄來朝仍以承襲知府請

帝命襲同知時楚雄同知無土官例吏部據例覆帝曰皇考有成命何可沒也乃特設土同知一人而以思弄居之楚雄之有土同知自思弄始也

宣德三年設車里靖安鹽井巡檢司以通事王教為巡檢五年又設廣邑州置土官知州同知以阿都魯為知州莽寒叔為同知先是金齒廣邑寨本永昌副千戶阿干所居干嘗奉朝命招生蒲五千戶有功至是干遣孫阿都魯同蒲人莽寒叔阿類詣京修貢且乞于廣邑置州使阿都魯代已掌州事以熟蒲並所招生蒲屬之報可又設孟緬長官司及滇灘木縛雷

傍哈丘瓏磨孟倫五巡檢司時景東府奏所轄孟緬
孟抗二寨僻遠屢被外寇乞併孟抗于孟緬設長官
司授把事姜嵩為長官以諫景東歲增貢銀五十兩
而茶山長官司奏所轄夷民悉居深山獨以滇雜當
小茶山瓦高之衝寇常出沒請以通事段勝為巡檢
置司滇灘以鎮之又南甸州奏其地先被麓川所侵
賴朝廷威力復之倘不置官司以正疆界恐侵奪未
厭乞于木縛雷傍哈丘瓏磨孟倫各置巡檢司帝從
其言又設金齒軍民指揮司騰衝州置土官知州時
騰衝守禦千戶所土官副千戶張銘言本所遠在極

邊每以巖川伏殺驚擾夷民乞設州置治官吏與騰
衛守禦千戶所相兼守鎮撫許之即以銘為騰衛州
知州

八年設騰衛州庫扛閔庫刀閔庫勒閔古湧二閔并
南甸州賴邦哈九浪莽孟洞八巡檢司先是騰衛州
奏本州路通麓川緬甸人民多逃徙差發貢獻時時
有誤舊設四百夫長隸騰衛千戶所故庫扛閔五處
皆軍民兼守今四百夫長已隸本州而所守者止居
民未便乞于諸處置巡檢司以土軍尹黑張保李甫
郭節為巡檢又南甸州奏其州與麓川接壤舊十二

百夫長在騰衝千戶所故賴邦哈諸處亦軍民無守
近以麓川侵擾軍民不守者十餘年今朝廷已諭麓
川還所侵地惟恐再見侵擾與逃徙未絕乞于本州
賴邦哈九浪莽孟洞三處亦各置巡檢司以土軍揚
義趙得趙榮三人為巡檢皆下所司議可如議又設
臨安府河底威遠州播孟二巡檢司先是臨安府虧
容甸長官司奏河底路通車里八百諸長官司自洪
武中曾置官渡船以濟往來今軍民逃逸出境詐稱
使者逼令乘載往往被害且緣河劫盜多有乞置巡
檢司以故把事袁凱之子瑀為巡檢威遠州亦稱其

地與車里接境累被各土官縱賊攻掠措孟當其衝
乞置巡檢司以把事劉禧為巡檢從之

初瓦甸長官司言曲石高松坡馬甸其地山高林深
寇盜出沒乞置巡檢司以通事楊噴揚中范興為巡
檢下三司及巡按御史審勘至是奏以為便遂置三
巡檢司命資等為巡檢資于曲石中于高松坡興于
馬甸

大候長官司土官刁奉罕奏大候蠻民復業者多歲
納差發銀二百五十兩按前永樂中蠻甸鎮康二長
官司以民多復業遂納銀各百兩俱陞為州今納銀

已倍于昔而復業日增請得援二州之例帝額行在
吏部嘉其撫綏竟從其請至八年南安州鄉老言本
州俱係羅彝和况烏蠻頑獷成性向無土官蒞治之
多致流移并差役賦稅俱難理辦近因本州缺官委
琅井土官巡檢李保暫蒞州事保甚善撫綏民流皆
歸此真良牧也倘能陞本州土官幸甚行在吏部書
郭璉以非例不從帝曰卿但知守例而不知為治在
順民也遂以保為南安州判官時緬甸宣慰昔得以
所轄富蕩地饒穀殺其頭日新把的而據有其地新
把的遣子莽只朝貢具懇其事且乞置司授官庶免

侵殺遂於東倘地置東倘長官司而以新把的為長
官既而鈕兀五隆二寨亦以其地與和況蠻近其酋
任者陀北朝貢至京皆奏其地近蠻請設官授職以
總其衆乃遂併五隆于鈕兀設鈕兀長官司而以任
者為長官陀北為副九年命改瓦甸長官司不隸金
齒而隸都司以瓦甸日把刁怕賴等言本司離金齒
最遠而去都司寔近因改隸焉

瀾滄衛有力於賊每聚衆殺人燒廬舍宣德初緬甸
招綱巴罕入貢賊奪其貢物而射死其子同時有順
寧雄摩一十五寨蒲羅夷賊倚山出略殺死順寧千

夫長阿茂并土兵等帝命都督沐昂發鶴慶順寧土漢官兵分勦二賊俱平之

永寧蠻寨矢不刺非于宣德四年糾合四川鹽井衛土官馬刺非殺永寧土知府各吉八合去官軍撫諭之已命卜撒襲知府職矢不刺非復殺之已命卜撒弟南八又襲而馬刺非據永寧節卜上下三村逐南八天掠夜白火住促卜无諸寨事聞帝命雲南三司撫矢不刺非并移檄四川行都司下鹽井衛諭馬刺非還所據村寨事乃寢

永昌千戶所千夫長刁不浪班攻剽潞江逐安撫曩

壁奔金齒而據有其地宣德五年黔國公沐晟與三
司官遣使招諭乃不浪班懼罪盡還所據地復歸田
居且當差如故已而八百大甸土官乃招散遣貢方
物且奏波勒諸蠻嘗以土酋土雅兵入寇殺人掠貨
乞發兵進討帝不聽但敕使諭之且曰聞八百大甸
去雲南五千餘里而波勒土酋土雅皆未嘗歸化吾
安能勞中國之人為遠夷役哉

永樂初寧遠州土同知刁吉罕奏稱其本州所轄猛
慢七寨為安南所奪且鹵其楛及女去而徵差發銀
于諸寨帝命禮部遣使諭安南王胡奎令還所奪并

不許私徵差發已而臨安亦以地隣安南每被盜賊
國公沐晟奏請駐民兵於黎花舊市立營柵使與臨
安官軍相兼守已復陞黎花舊市柵為臨安衛中右
千戶所頒印給冠帶如例至宣德中寧遠州復為安
南所侵掠乃吉罕告急廷議調官兵委都督沐昂討
之帝諭昂曰蠻夷誦詐未可知往爾元征南嘗調征
寧遠土兵七千竟無至者而反助黎利為逆今安知
其非仇殺而輕役我也其察實以為進止毋忽
麓川一名白夷在金沙江南與緬接境元時思氏居
之洪武中三將軍下雲南思倫請降授麓川平緬宣

慰司使未幾倫叛逐景東知府俄陶大殺掠西平侯
沐英討平之見英傳已而倫與土目刁幹孟相殺帝
命沐春何富進討富擒幹孟因分其地設孟養木邦
孟定三府屬雲南而以潞江干崖大候灣甸四長官
司隸焉永樂元年改設孟養木邦為宣慰以刁木旦
為宣慰使廢倫舊職而木旦為緬甸土官那羅塔所
殺死子刁賓玉以土同知典宣慰事然又阻于緬寄
居金齒者有年正統初倫子思任性桀黠善兵每天
言復祖父遺業至是乘釁據麓川略孟養地傍及孟
定灣甸南甸潞江并攻陷騰衝而自稱曰法法者夷

王覽也四年救黔國公沐晟為征夷將軍討之并諭
木邦宣慰罕門發協力會勦師次潞江任遣其將緬
撿截江拒守師不得渡初任未叛時賓王嘗遣任質
晟府兒子畜之至是晟遣使諭降任佯許諾晟信之
無渡江意而賊將緬撿數挑戰時左都督方政為前
軍怒甚請攻之晟不可政不勝憤獨率其戲下夜渡
江擊走緬撿破搆斬三千餘級獲象三十餘遂與其
子瑛部將顧勇等乘勝深入逼任上江上江賊重地
蠻兵大集政以旂牌乞晟援晟不遣曰渡江非我使
也又之以少兵往復不進政知晟無援意遣其子瑛

運而身與勇陷陣死事聞晟自知不免以冷水攪酥餅啖之發疾卒帝乃敕沐昂代晟討賊而任益橫犯景東殺大候知州刁奉漢等破孟賴諸寨降孟璉諸長官司昂抵隴把以糧乏引歸喪其叅將張榮于芒部下詔切責昂乃條攻取之策請兵十二萬分三道進下廷議廷臣多言不可而王琯用事欲示威四裔乃于六年春命定西伯蔣貴為平蠻將軍同兵部尚書王驥監軍曹吉祥率湖廣四川廣西貴州及京營軍一十二萬往征之陛辭賜金幣鞍轡弓矢蟒衣以行遇賊大候州解其圍遂至金齒分兵三道徑抵

上江會大風縱火焚柵斬賊數萬級賊將刁放憂刁
招漢俱死生擒刁門項等賊賊走保險驥等益麾兵
入破連環七寨于沙木籠山又破象陣于馬鞍山之
陰賊死者十餘萬任棄妻走緬甸會維摩州蠻常郎
罷作亂自稱廣新王驥復擊之遁安南安南人截首
來獻驥還京論功帝賜宴于奉天門進貴為侯而封
驥靖遠伯贈政威遠伯謚忠毅餘陞賞有差時思任
既逝而其子思機潛匿孟養復求撫乞守故地朝議
謂首惡未擒餘孽復熾命王驥再鎮雲南驥同蔣貴
督兵征緬甸索任父子緬甸約往取驥難之郭登請

行由金沙入緬緬首卜刺浪來會頗驕蹇登折之緬
叩首聽命登還其國相緬刺割以大金接船載任來
獻時緞登功者別遣登守沙壩刺割至江不見登排
徊驥貴驟擊緬焚其舟刺割復持任去而機亦遁驥
乃遣千戶王政諭緬許以孟養之地易任卜刺浪喜
縛任及其屬二十人付政政遂斬首函獻京師以卜
刺浪長子銀起葬為孟養宣慰而機與弟思卜尚潛
據其地銀起葬不能有也十一年改麓川為隴川設
宣撫司于隴把以土自恭頌為使降赦赦機卜罪令
其來朝不至時沐昂卒兀子儼襲爵又卒斌又襲屢

救之廷兵終不能克十三年復議征麓川驥與平蠻將軍宮聚副將張軌田禮方瑛等統兵十五萬并調木邦緬甸南甸干崖隴川諸兵自騰衝整師由于崖抵金沙駐哈罕二渡時賊柵西岸緬甸陶孟偪船二百餘為梁官軍從梁渡一鼓破之擒斬數千里賊退保鬼哭山立大寨三小寨七每寨設巨柵數重官軍乘勝縱擊之連破諸寨柵殺賊殆盡而機卜仍遁乃班師留瑛守雲南救緬甸宣慰卜剌浪孟養宣撫銀起莽捕機卜而蠻人復擁任少子思陸攻恭項走之仍據孟養地且言緬人不能撫民衆願仍立思氏永

當差發時兵力已疲且度賊終不可滅乃與陸約許以酋目得部勒諸夷居孟養如故而無官職且不許渡金沙江立石江上誓曰石爛江枯爾乃得渡而其時有猛密曩罕事

猛密本木邦部落明初設木邦車里孟養緬甸諸軍民宣慰而木邦在六慰中分土最遠猛密十三處皆在其內時有陶孟司歪者守猛密陶孟土目稱猶漢稱巡檢也其地有磚城而無樓櫓倚南牙為險而環以摩勒金沙二水所產瓜果蔬菜與中國同獨寶井多利木邦宣慰罕構者利寶井所有特以愛女曩罕

弄妻司歪罕搆死孫罕究立嗜酒好殺曩罕弄自時
姑行思奪囊結族人與爭不得景泰中興兵侵木邦
逐罕究攝之傍略麓川孟養諸地自稱天娘子其子
思柄稱宣慰每以金寶結內欲自立為守臣所抑不
得行成化初南寧伯毛勝守雲南貪猛密寶石許得
自貢不閱木邦而太監錢能直就徵其地自是曩罕
弄益怙勢縱橫無忌十七年黔公沐琮以勸聞曩罕
弄大懼會大學士萬安倖用事有劉賓五者江西人
也逋猛密謂曩罕弄曰無憂萬閣老權而貪陰結昭
德宮與皇親萬喜最厚益賂以重寶而陰持之時兵

部尚書張鵬請用兵安與劉珣執不可雖安邊息兵
其言甚可聽而不知其以私阻也既而安遣官出勒
令副使劉大夏往啖以美遷大夏辭不行遣副都程
宗以憂歸即起復偕驛使蘇詮往至雲南大言猛密
宜開設衆驚賊巡撫吳誠有難色宗叱之曰一何僇
汝敢與內廷抗耶誠倉皇不知所為發疾卒宗乃率
鎮守及三司會勘杖木邦訴民而犒曩罕弄使者時
鎮守謂曩罕弄當出迎既而不至且請曰我婦人不
能遠涉願都堂就我宗乃踰南牙山就見又請曰我
見都堂須有坐宗乃命坐曩罕弄坐足互講良久已

而笑曰我猛密之于木邦猶大象之孕小象也今小象長成軀倍大象矣寧能復納之大象胞中乎宗曰然遂別立猛密宣撫司以思樸為使開設衙門徑隸布政司與木邦抗安聞狀大喜遂以宗巡撫雲南尋遷刑侍郎進南工尚書而樸奪木邦地逐罕完如故弘治五年罕完迎婦孟乃寨樸襲之據其地二十七處誘降其頭目高答落放卓孟信蠻等罕完不得還依住孟乃寨者三年巡撫張誥遣叅政毛科副使荆茂詣猛密曉以利害樸猶不服乃遣叅政方守僉事周鳳等督理糧餉叅議黃東山副使趙炯等督隴川

南甸干崖三宣撫兵共趨蠻邏搆奪不能抗引去罕
究始得歸廷議謂罕究雖返故土然思搆未悔罪委
官召搆出見與罕究歃血盡還侵地而搆終抗命且
復稱兵圍蠻邏蠻邏求援不能應于是孟養思陸請
自效勸思搆

先是思陸既受約去官不過金沙江一步然豪僭夷
中較昔尤甚居常快快必欲復故職會成化中太監
錢能鎮雲南陸乃以祖母珠帶及諸珍物餽能能召
見設飲食親與相對陸益自負及弘治改元詔以金
牌信符給徼外土酋時孟養宣慰雖廢而兵部失檢

偶以舊號頒給陸遂以牌符呼召諸夷曰天朝復官
立我矣諸夷信之遂略取傍小邑自廣至是請勦思
謀而諸夷競傳猛密畏思陸兵當從思陸請叅政毛
科以為然遂請于總兵鎮巡官檄召之未至謀遣人
賂陸陸不受曰吾破猛密則寶將焉往而需賂為科
等聞其語益喜乃約木邦為內應而木邦罕究亦密
遣夷目陳思謀可擒之狀會副使趙炯與科會騰衝
而叅議黃東山則先隴川儲糧科欲急為功合罪人
約贖米及潞江土舍侵用歲例銀犒軍促調孟養兵
孟養兵至其領兵者為大陶孟倫索過金沙江指飛

鷹笑曰我曹猶此也得食即食其不為人使明矣科
聞大愠值科營失火營燬狼狽移屯不能軍且饑甚
日採芭蕉心食之遂引退而孟養兵無意戰將取道
于崖徒去樸遂遣兵躡之孟養敗然樸終以勢不敵
遣土日彙方請事願獻象二隻謝罕完仍備方物入
貢科喜方以為功而鎮巡委副使荆茂及黃東山往
驗且受其請奏錄茂東山及烟科功而以科營失火
使對簿科不平奏辨功過烟以茂東山功在已上賦
詩十二章以進帝惡之罷科烟官而孟養則從此違
誓渡江大攻猛密取蠻莫貢章諸寨撫諭不聽會罕

完死子罕烈襲宣慰職年幼不能自立欲借思陸兵
報猛密陸遂自稱宣慰阻山四出黔公沐英上三策
上大征中雕勅下撫諭詔姑用下策遣叅將盧和統
官軍同叅議郭緒副使曹玉詣陸開諭陸聽命渡江
去時鎮巡請暫于騰衝撥官軍堵守錫思陸名目寇
帶朝議不許嘉靖初諸夷以仇殺侵奪各上訴下鎮
巡按勘鎮巡違官偏歷諸夷各伏罪還所侵地會陸
已死其子思倫與木邦罕烈各入貢倫約罕烈擊緬
擄其宣慰莽紀歲語具緬甸傳于是紀歲子莽瑞體
仇殺并孟養有之而思氏遂衰當是時木邦罕烈與

猛密思搢子思混仍爭地不決朝議以蠻莫猛毋十
三寨土地遼濶輸戍不能守莫若分其地仍屬猛密
管食歲徵差發銀一千兩而割孟乃七寨仍歸木邦
未果既而木邦猛密俱入緬見緬甸傳

正德八年蒙自土舍稔祥爭襲父職既其嫡兄祿仁
而安南長官司土舍那代助之以兵遂稱亂守臣討
平之事聞帝命草蒙自土官改安南長官司為新安
守禦千戶所調臨安衛中所官軍戍之十六年潞江
安撫司土官安捧奪其從弟掩壓寨三十八所掩壓
訟于官不報捧遂集夷兵圍掩壓寨縱火屠掠掩壓子

妻妾及夷民男婦死者八十餘人因撰有其地鎮巡
聞狀乃統官軍誘執之捧尋死于獄帝命仍戮尸梟
市其子詔及黨與皆斬

彌勒州十八寨夷久為民害有阿寺阿勿者交通寧
州土舍祿世爵遂于正德十五年相約稱亂都給事
劉洙以聞帝命巡撫何孟春巡按陳察討之擒寺斬
勿併俘其黨一千七百餘人先是寧州故有土官知
州職專巡捕至州事則流官知州掌之武宗嗣位土
官祿倖惡其礙己乃賄瑾罷革流官至是祿世爵以
叛故論死世爵倖子也乃復設流官調通安州知州

聖昂捕之而祿氏土知州竟罷襲焉

廣南府知府廖鉉避瘴臨安以府印令土同知儂仕
英子添壽護之添壽死家叔跛朋竊其印并經歷司
印以逃既而歸印于族叔儂仕祥所時仕英親弟仕
獬例得入襲通把季福請追仕祥印與仕獬而仕祥
不許遂獻地與泗城州土官岑接與之連婚日謀構
兵滅仕獬家亡何仕祥亦死其子琳乃以府印送接
而經歷司印則琳弟瓊攫有之巡撫王憲中蕪得其
狀調兵往問瓊懼還印于通判周憲會承差李志聰
道經泗城接詢問官兵虛實志聰張皇之且曉以順

逆利害接亦懼遂以府印還志聰時所謂兵甫至境
遠遣班師廷議褒憲及志聰而治鉉擅離與守巡失
撫之罪至瓊接抗命既已輸服姑勿問詔可

尋甸武定舊皆設土知府成化中尋甸安晟死无弟
爭襲巡撫王恂與黔國公沐宗請罷尋甸土官改流
官知府而武定如故正德初武定阿英者以賄通瑾
襲知府改姓鳳氏駕言有軍功當破例陞布政司右
叅政仍理府事擁衆鼓吹迎入布政司堂上任不許
乃就司儀門上任而去先是陞叅政時請乞金帶禮
部覆無例帝復破例令賞銀花金帶一束至是怏怏

手把束金帶曰安用是遂蓄異志尋死子朝明襲朝
明有叛狀火頭吾蓋才告之官巡撫唐龍奏請從竊
慶諸例改流官知府而朝明輦金十二萬入賂錢寧
事得止嘉靖六年尋甸知府馮性魯微差發銀繫馬
頭安銓妻于獄簿比裸下體笞之銓怒召衆亂掠嵩
明州由楊林木密攻尋甸將擒知府報怨而知府已
遁乃殺指揮王昇唐功千戶郭彬去時叅政黃昭道
副使周奎統官軍討之大敗于是巡撫傅習急調土
司兵援勒而以武定鳳朝文統兵千餘守厭江朝文
者朝明弟也先是朝明有叛狀欲改流未果朝明死

子詔幼當襲其妾瞿氏請護印朝文忌之嘗召衆與
安銓往來且銓妻被笞者又鳳氏也至是據厥口還
攻武定陷之殺同知袁俸知州秦縵等一十三人合
銓兵二萬于會城西北門外聲言鳳詔母子已就戮
朝廷且盡勦武定蠻寨激諸蠻叛廷臣兵部尚書伍
文定統禁兵出征未至按察徐瓚議調各土兵與衛
兵協勦已敗朝文于會城會詔同母瞿氏皆督兵自
會城出諸蠻望見詔錯愕爭投詔降朝文知事去絕
普渡河走官兵追及又敗之乃取道霑益思奔東川
土舍輔祐斬其首而銓衆尚盛復歸據尋甸列寨款

十官兵分哨連破之至必古老寨銓突圍將走芒部
為土舍祿慶所殺文定至部署而還當是時武定雖
亂然尚設土官如故而其後有鳳繼祖者

鳳繼祖即鳳朝文養子也初鳳朝明死其子鳳詔以
幼襲令詔母瞿氏護印而詔又死繼祖名阿倫至是
遂更名繼祖欲以奪襲而瞿氏不許請從土婦襲職
例令詔妻索林承襲復使索林又娶婦為後襲許既
而瞿氏有外行與索林稍嫌隙繼祖乘間走京師獻
金納指揮級陽言襲武定知府得朝命揚揚具輿馬
冠帶以歸土人不知者附之如鶩遂囚繫瞿氏而逐

索林巡撫敖宗慶討之不克會易門土縣丞王一心反與庄戶李向陽土巡檢王行道等聚衆數萬人自稱混天大王以普文為軍師攻圍州縣而繼祖應之且與土賊虧遜共拒官軍復誘索林與講解襲殺其火頭鄭玆等七十人出富民羅次大掠分遣東川營長阿科等攻曲靖尋甸時宗慶已罷新撫呂光洵以工部侍郎奉命至與黔國公沐朝弼布政使鄒璉叅議盧歧嶷副使張天復統土官李爵等兵由馬頭井龍分道攻入搃其巢擒斬賊首向陽而密從間道進兵趨尋甸攻破五寨擒虧遜及行道等乃與璉歧嶷

天復議築武足城建守禦千戶所而繼祖復連姚安
高欽據鐵鑠箬仍出四掠朝弼議招撫光洵不許復
以旗牌調土漢官兵尅期集武足分為四哨令土官
僕文舉等各以險隘入而監以諸司且移檄川貴巡
撫各舉兵應大敗賊衆于武足之西關繼祖奔乘勝
焚其巢追及于會里州阿五賊寨圍之土官陸紹先
土婦安素儀先登斬欽及賊首二百餘級繼祖乃領
兵萬人分哨衝營紹先與指揮盤珠鏖戰陳斬賊三
十餘級賊大敗墜崖投澗死者無筭光洵令紹先以
計撫繼祖頭目者色令領兵趨賊寨四面匝伏而以

健兒隨者色入帳中斬繼祖首并火頭下大才等數十人光洵乃自至昆陽許擒一心梟之因請改土設流降姚安武定二府土官襲本府經歷不得統領軍務而除易門土縣丞職上安輯六事曰增流官曰立學校曰更驛傳曰移巡司曰置捕館曰遷州治光洵以功進尚書餘賞賚如例而於是鶴慶廣西尋甸姚安武定諸府皆流官焉三十五年武定酋阿克有馬頭四十八人而鄭舉稱首慄慄多力富于財知府陳典收禁之舉以燕金置魚腹中饋典獲免已復收之如是者再四舉惡其無厭乃與阿克等攻破府城殺

指揮金字仁千戶王應魯等男婦四百五十餘人時
典以入賀在會城賊擁推官白明通以兵隨其後直
抵會城進公移請以冠帶印信給阿克圖城三日復
分其餘賊四出焚掠沿村鎮市所至殘滅盡殺諸老
穉而抽其壯者為賊鎮巡不得已從圍城給印緹與
之去攻元謀和曲諸城未一日陷一府三州四縣時
尋甸土目大理保楊禮結火頭招補阿白者色及土
婦海冲為亂攻破嵩明署印知事李性先棄印逃遂
殺吏日常宗孝學正龍旌由楊林還尋甸復殺指揮
諸箬裕等會迎接御史周懋相候代駐曲靖調需益

安紹慶土兵自嵩明追賊尋甸屢戰屢捷三十六年
三司官亦分道追賊而鄭舉等已西破祿豐知縣蘇
賜力戰死已而諸路兵大集擊賊斬其家屬十一人
阿克鄭舉逃東川官軍追及之土司祿哲縛阿克鄭
舉獻軍前并其黨鄭文鄭宗舜而叅政楊俊臣亦率
廣南僮兵擊敗海冲等奪還嵩明諸州印信副使羅
希益斬楊禮揚成俘其孥于是尋甸武定賊一時俱
平天啓中武定吾必奎以從征功受官既而反連陷
祿豐廣通諸縣進攻楚雄府破之副使楊畏知分巡
金滄統官軍追勦生擒吾必奎伏誅乃留畏知駐楚

雄為諸蠻鎮畏知後以附永明死南寧中

沅江郡中洪武初歸命授世襲土知府嘉靖三十年
那鑑以爭襲殺土知府奪其印嘯聚數千人流劫郡
縣巡撫石簡督兵進討鑑詐降請赴軍門而親帥勁
賊與左布政使徐樾抗戰樾至沅江鑑毒江上流人
馬飲之輒死師少却鑑乃縱象騎直趨樾軍殺樾巡
按趙炳然以狀聞奪簡官而責黔國公沐朝弼令戴
罪殺賊朝弼調土兵大勦鑑敗自殺遂革土官收印
令臨安衛指揮一人往署之然其印猶藏那氏每文
移指揮取印必以夷兵捧擁送印至環伺之署訖復

擁去萬曆中土舍那天福篡元自立即鑑孫也

老撾近安南成化十六年安南王瀨以兵攻老撾連破二十餘寨殺二萬餘人遂宣慰使諸蠻震動先是太監錢能貪黷密以文幣良馬易瀨珍寶因與瀨往來互市瀨嘗遣使入臨安大理假為商賈貿易其地以蹂躪近邊間有窺內之意朝廷飭將吏隄防而諭瀨還國瀨聽命去既而瀨復以兵六萬再攻老撾值老撾有倭敗歸死者二萬餘瀨大憤自將兵九萬繼之復為消刺伽所躡其軍死者三萬瀨憤自慙得疾去十八年車里宣慰報校兵數萬駐老撾界上八百

所報亦如之未幾又去嘉靖中老樞宣慰刁攬章入
告言安南應襲長子光紹為叔父所逐出亡老樞欲
調象馬送還其鄉而廷臣恐啟邊釁謂邊臣義無私
交倘構隙有形其患叵測當勅責攬章以私納之罪
而遣光紹歸國詔從之

嘉靖十四年安南叛人武叢威武子陵等亡命居雲
南邊界水尾州與八寨長官司副長官瓏徹毅化三
部長官司司土舍張澤交通已而安南國人捕二武急
移文入寨二武疑瓏徹已誘執之黔國公沐紹勛
及撫按官奏請殺府縣衛所所在防守遏其彘突而

遣使布朝廷威德以取回瓏徼并寬張澤等以私通之罪帝是其言後瓏徼還而武嚴威等亦遁去餘竟勿問

猛密產寶石武宗朝錢能出鎮每歲採辦至嘉靖初猶然巡撫劉臬疏止之不聽時猛密酋思真猶在也年一百歲凡採辦例必先應官府然後與商賈貿易每一位五六百人其屬有地羊寨在猛密東往來取道所必經者寨中男婦皆黃睛鰲面類鬼翦舊銅器聯襪之纏兩足間以為飾然工幻術能易人心腎手足致死即馬牛亦然時以採辦者多人有強其食既

去腹痛死已而所乘馬亦死剖之則馬腹皆土石也
思真嘗勦之凡殺數千人不得絕至是復議勦以兵
少中止思真一百十歲死

麗江土官木得在元為宣撫副使洪武初入貢尋功
授世土知府凡徵調征討皆在行間得死子初襲從
征思任有功後以居西陲能捍吐蕃每有徵調但輸
軍餼免其公八世至木增值北勝搆亂以兵擒首逆
進秩己九邊軍興助金二萬己又以殿工助一萬褒
之乃復條陳十事下部議可進三品秩尋請老子齋
藥萬曆中有兀弟三人長各木公次各木么三名木

公長即土知府也三人皆好禮有名顧善取金其法
每兩過輒令所在掣其地伺之及又兩轉而襍拾皆
金矣特拾金皆輸之官民間匿錄兩者死嘗貯金數
十庫餽人每以千計謂之木公金云其地近西名拘
西者

姚安鐵鎖箬木探種前代無內附者弘治中稍稍歸
命間隸之姚安姚州諸土同知所顧無專屬至嘉靖
中始專屬姚安高氏遂稱姚安鐵鎖箬會逆肖鳳繼
祖反姚安有鈞黨祖者統箬賊出犯蒙化為繼祖應
及繼祖歿後他一切勿治箬以漏網反踊躍思為亂

是時賓川天姚各寨環箐錯列有所謂赤石崖螳螂
古底烏龍壩大波那你甸楚鵬各左木茶喇羌浪金
旦俄打喇小茶喇三摩歪寧直只瓢直諸酋率引箐
賊為鄉導其地有所謂薄刀嶺鶯過愁者皆懸巖大
箐天險可恃以故慄桀無顧忌有火頭羅思者與百
夫長羅勤快善火頭漢言渠魁也勤快蓄異志而畏
羅思等不發會巫人李仙子挾幻術至箐謂思曰箐
中有王者氣當今有赤手搏漢天制南仲者豈君乎
思應聲曰吾而不王誰當王者時勤快方治毒弩藥
矢聞思言亟貽思與謀思乃與勤快羅章等十人自

稱孟獲二十世後當世有南仲立為冲天鐵面十大
王拜楊桂三為相子撒為將軍造符鑄印遂起兵隆
慶六年瀾滄兵備周汝德徵兵討之無功都御史鄒
應龍遣將揚州鶴潛至三姚偵諸羅狀三姚爭徒跣
訴諸羅不道州鶴送命會臨江惲撲攻徵江城殺府
吏奪印諸部洎洎都御史乃決策進勦陽召所司令
勿擅興師即興師當先惲撲且必俟冬春瘴消而後
請期當是時姚安知府楊汝允以試事至謁都御史
問勦賊事汝允曰羅酋已悔罪宜罷兵都御史急應
曰諾既而語裨將胡瀚曰太守豈以賊為真可撫耶

太守楊史與賊故等夷嘗遣人邀黨來謁謂為聽樵
索賞去一旦上官移檄令持斧逐捕輒先告賊賊遁
逃夷官借捕亡命報仇指示仇常劫人有姦賊賊出
夷官手但借證實仇者罪夷官與賊分姦賊去无所
請皆詐吾欲使翰為謀者往慮無因乃令繪二圖分
勸善戒惡狀令瀚持往盡得其虛實即令前軍軍安
寧駕言使永昌而密遣人以羽檄徵武定苴却兵由
紅古底喇叭箬入攻鐵鑠預以罷械盛索中陽為佐
商既已十道出然後下令行昆陽晉寧安寧諸郡以
觀水利郡中尚鼓吹開闔如故而都御史已徵服至

洱海驟臨赤石崖由俄打喇經毋喜虧賣諸寨自將
中軍而以副使湯仰軍大姚僉事田汝弼軍賓川征
南將軍沐昌祚軍威楚各與苴却武定兵應乃召匠
建坊山間手書之曰平賊嶺遂督瀚等攻阿寧喇喇
鮮摩烏只苴彝朵喇賦姑寨次甸頭鏖戰直破鐵鎖
諸道兵皆集爭先陷陣斬首五百級捕獲生口七百
餘羅思羅草走山洞死餘賊保鷄足山鸚鵡即官軍
又破之生擒李仙子王勤快等大搜諸箐下土官庄
庄人縛偽相楊桂三及將軍子撒來猷乃破螳螂古
底江即小棟即首諸箐盡平事聞賞賚有差先是箐

中多幻術能令人入筭迷惑且技巧男婦舞雙刀上
下山如蜚及執李仙子試之果能役巫鬼預言吉凶
常夜易軍中操卒以亂刀斗勒快亦能令屋瓦作滾
石聲驚人當其破鐵鎖時裨將盧雲入筭中見一白
衣人持孝立巖上雲追之忽上樹不見軍中望之者
以為猿云時赤石崖增設判官一人專以逐捕為事
而分鐵鑠箸外甸羅奈朶喇只苴蕪只摩膩姑他伴
坡章谷排紅苴黑鷄苴的務喇叭俄打喇各庄屬雲
南赤石巖瑩蜘蛛古底龜山屬北勝餘部署如初
納樓普沙曹從高皇帝征伐積勞賜沙爵副長官使

食邑于納搜茶甸遂為納搜茶甸副長官司四傳至
普星以叔父普顯食三山北寨使脩陵南紅衣黑脚
諸閩星死子安在襁褓顯乃酋安欲害之朝廷諭顯
罪當死會赦徙貴州旋復逃歸奪瓦喇孔及五畝水
塘二寨嘉靖初安卒子銓嗣顯復殺銓奪印而去銓
子崇正幼與其母訟諸朝顯與子普宗又生法徙騰
而宗妻遺腹生阿乃諸得食乃童寨及崇正長襲官
阿乃亦長據乃童倚紅衣黑脚諸險慨然曰瓦喇孔
五畝水塘吾大父食邑也不與崇正崇正訟之竟不
與于是相仇殺會儼人記來阿烟矣三百人藏匿祿

谷崇正密召至主魯寨而以酋長易免掌之阿乃亦
召黑脚校南諸蠻兵並為亂當是時曲在阿乃未幾
阿乃死可罷兵崇正欲盡并從弟崇新崇順寨令車
昂李朝鳴引記未等擊新等思奪其地不克值臨安
衛經歷鄧鑑僕李英亡命納樓崇正召與議陰貽千
金一聽英所為英復引僕人阿挑阿雙七百人擊破
芭蕉嶺菲肯寨殺阿賣等崇新亦帥酋長別者電王
廷相阿馬等引校兵五百人擊破羅白俄賈法克諸
寨殺畧刁撐俺他等崇正憤甚復引僕兵擊破打娘
歹寨殺落書等會萬曆改元下令逮捕諸亂者先遣

材官騎士驅陵兵出境乃繫捕崇新順白亨白鯨王
廷相阿籠等十餘人而臨安亦捕獲車昂李忠等並
繫之獄已復逮崇正不至御史按之急始就吏竟坐
法死免子僕襲而吏議以崇順不與亂謀乃出順令
其子五官保並食別者雷察餘瘐死獄中李英聞順
出怒復引儂兵擊破別者雷殺博等明年鑑復令李
英趙春擊破者雷殺順其妻揚氏及五官保迨芭蕉
嶺英乃據宗恰孟弄以為險守將揚州鴟出戰不利
別將揚守廉復調蒼甸兵轉戰復不利都御史鄒應
龍會征南將軍沐昌祚統武定新化兵四面攻擊大

敗之生擒李英阿挑阿楚習翰即掌等會俱死英等亦死應龍予告去僕人阿六矣登乘間出殺略御史郭氏梧等議以僕攻僕調廣南土舍僕文舉往捕果生得記來阿烟矣阿六矣登及即阿即楞等而餘黨悉平其後紀平僕功謂應龍撫御失宜免應龍其他邊將揚守廉等皆以要功啟蒙坐市死

緬甸古朱波地漢通西南夷謂之揮唐謂之驃宋元至明則謂之緬以其道里之緬邈也其族不一種呼十緬有所謂楞子阿瓦如猛別雍會普澣洞吾擺古者而築江頭太公馬來安正國蒲甘緬王五城元至

元間遣將軍兀良吉錫擊破之建邦牙軍至高皇帝
十六年緬王南遠來朝明年置宣慰司以其長卜刺
浪為宣慰使卜刺浪緬王稱也緬人呼王為卜刺浪
王之妻為米潑刺其地東至八百南至海西至孟養
北至猛密去黔南二千二百八十里由金齒滿漂過
怒江踰高良弓山取道麓川經蠻牛莽港蒙叟汎金
沙江至緬境有城郭廬舍金銀寶玉且饒鹽利王出
入乘象馬有文書其行軍者名錫刺善火器置烏鎗
數弩錫刺每持兵在前則衆荷供具隨之故軍行五
六萬戰者不滿二萬永樂元年緬酋那羅塔者卜刺

浪長子也詔使襲宣慰而更定平緬木邦孟養緬甸
八百車里老撾大古刺底馬撒靖定為十宣慰司至
五年緬酋馬者速復來朝馬者速者卜刺浪次子也
初卜刺浪分緬地使那羅塔管大甸次子管小甸暨
卜刺浪死那羅塔盡收其土地人民有之而逐馬者
速往依速睹蒿土官板洋為贅婿至是來朝訴其情
而請復小甸以從父命詔諭那羅塔使悉還土地資
產既而緬人與孟養刁木旦仇殺執行人張洪持節
往正其罪那羅塔遣使乞宥許之十五年建緬甸館
於京師宣德二年宣慰新加斯與木邦仇殺而死子

弟皆潰散緬者父老共推大頭目莽得喇權理其地
而緬人便之遂請莽得喇襲宣慰使五年麓川思任
及緬甸莽得喇各遣使上言木邦罕門占據其地黔
公沐晟諭還之至正統中不明任遁緬尚書王驥定
西伯蔣貴索任于緬而許以地緬乃獻任并其妻子
敗徒板蹇等語詳麓川傳中弘治元年緬甸來貢且
言安南侵其地二年遣編修劉戩諭安南罷兵而其
後有莽紀歲者為木邦罕烈孟養思倫所殺

當思倫罕烈之擊緬也既殺莽紀歲而瓜分其國緬
人赴闕訴不報嘉靖七年始命永昌知府嚴時泰往

勤時孟養尚強思倫夜縱兵鼓譟焚驛舍時泰等僅
以身免乃別立土舍葬卜信守之而去時有齎金牌
千戶曹義併為所殺值安鳳之亂不遑問其事也莽
紀歲有子生于雪中其體有光滿室因名瑞體少奔
匿洞吾母家洞吾商養為己子既長與養母通洞吾
商死瑞體妻養母而有其地洞吾之南有古喇一名
擺古濱海與佛郎機隣古喇商兄弟爭立瑞體和解
之古喇德瑞體爭割馬草地為獻受其約束號瑞體
噠喇噠喇華言公道主人也瑞體乃舉眾絕古喇糧
道殺其死弟而併有其地會緬僧有妖術者歸之樹

海崗七十自衛諸蠻畏之尊為金樓白象王當是時
滅緬者木邦孟養而與緬相抗者猛密也猛密思烈
子思奔思孺相爭奔訴于瑞體瑞體殺奔立思烈次
子思混改名思忠而假途于混以掠孟養即留土目
卓吉據其地既而卓吉為奔塔猛乃酋別混所殺瑞
體破猛乃執別混即欲入寇內地時朝議用總兵官
沐朝弼請已于蠻哈設兵防緬瑞體既有兵遁去故
事土司襲替皆勘實請命于朝隆慶二年木邦土舍
罕救遣使告襲官吏有索賂者拔怒與弟罕章集兵
截旅途使漢人不得通會走隨乞于瑞體瑞體餽之

五千蚤拔感緬而志中國遂携金寶象馬詣瑞體致謝瑞體見拔歡甚贈以寶帶緬鐸白象罽錦珍貝香藥甚夥遂約為父子時有官府只愛一張紙打失地方二千誑而于是向之為緬讐者今且臣緬矣洛江安撫線貴聞之亦投瑞體日謀聚內侵且遣使召隴川多士寧士寧不從既而士寧為岳鳳所殺鳳隴川拜弄也會干崖宣撫刁怕舉死罕拔請瑞體襲干崖下則隴川多忠幼而新立可乘勢取之瑞體卜于緬僧吉其子奔應哀悍而狡謂瑞體曰隴川干崖雖無主路遠難取迤西思箇地廣兵強世讐殺倘我遠師

川崖而乘虛襲我敗道也莫如稍助拔兵聽其自取
失迤西木邦在我肘腋若迤西不為我有尚望能出
三宣侵永騰乎瑞體然之借拔兵一萬令自取于隴
而已率兵侵迤西迤西思箇出應敵相持不決而隴
川岳鳳見其主幼陰欲擾其地亦賫重賂投緬拜為
父蠻莫土目思哲亦迎降緬緬納為義子乃調緬兵
萬餘為疑兵出入于緬甸迤西界上牽制思箇復檄
罕拔兵會岳鳳隴川襲多忠萬曆元年緬兵至隴川
多士寧妻罕氏木邦女也力不能支懷印信携二子
多忠多孝並二女及姪罕朝光潛奔永昌當事不能

救仍遣罕氏還隴川罕拔素疑朝光欲爭襲未邦宣
慰惡之至是鳳見罕氏同朝光還遂貽書拔請為拔
除朝光并戮罕氏拔喜令罕章罕難等助之夜襲罕
氏罕氏携二女走于野鳳執之斫其右臂奪其印并
擒殺朝光而生送二女于緬多氏族屬殘殺殆盡鳳
遂受緬鐸據隴川乃與罕拔思哲定盟必執思混下
猛密奉瑞體以拒中國時偽為錦囊象函貝葉緬文
稱西南金樓白象王莽噠喇王書報天皇帝中多諄
謾之詞皆鳳所為也而罕拔則恃緬勢召干崖乃怕
舉弟怕文曰汝嫂我妹也吾欲妻汝并汝死宜撫皆

為汝襲可據干崖以臣緬怕文拔二子奔詣同知薛
衛守備李騰霄想言拔欲怕文背漢事緬妻嫂城姪
無天理怕文世受國恩願與戰次日方戰遠瑞樓遣
子應裏喇鮪率衆二十萬分戍隴干間拔以其兵驟
臨之怕文潰奔永昌而衛與騰霄俱退去拔遂取干
崖却令罕氏收掌罕氏即拔妹也且與緬鐸令罕氏
以女土官臣緬而召蓋遠副使刁思管雷弄經歷廖
元相佐之給貝葉符令同守干崖以防中國當是時
木邦蠻莫隴川干崖諸夷俱已附緬而迤西猶未決
也金騰副使許天琦遣指揮侯度持檄招諭迤西思

箇乃刻木二一書天皇帝號一書莽噠喇率衆拜之
以卜向背而莽噠喇木墜地思箇乃受諭與瑞體抗
時瑞體大發兵攻迤西思箇告急會琦已卒署事副
使羅汝芳知其事犒思箇使者給空劄許以世襲令
先回待援而募商人慣入緬者予金繒令往密伺其
虛實來報于是檄近緬諸夷說以內向依期援迤西
遂調漢土兵馬躡至騰越思箇聞援至喜甚立令土
目烏祿刺送領兵萬餘絕緬糧道于阿瓦寨且督大
兵伏戛撒誘緬兵入截其歸路然後自衝其前而請
援兵自隴川尾擊之緬大敗會糧絕撮金易合米屠

象馬屑木剝草以為食疫癘大作死者如丘山瑞體
請和不許時水兵開江中石關衝潰緬舟而迫緬諸
夷如景邁猛鞏密受汝芳檄者各調勁卒聽指使值
大許諸道入覲者恐軍興阻行移書諸同事合文止
援因汝芳不聽遽謁巡撫謂兵連禍結夫馭夷之道
不便撫臣王凝馳檄止汝芳汝芳接檄投地大罵然
已無可如何思箇力既疲援不得發忝負知之暗
集隴川兵二千兼程援緬導瑞體由間道遁去思箇
力追之且追且殺緬兵生還者十不一二然而已夫
機事矣五年巡按陳文燧上請經理然與時宰相牴

悟事亦寢六年廷議遣使將迤西所俘瑞體兵象備以金幣諸物送還瑞體瑞體不謝七年永昌千戶辛鳳奉使買象于猛密猛密酋思混即向瑞體所立改名為思忠者也時亦臣緬執辛鳳并軍伴送瑞體會瑞體修佛事遣使持檄柳葉緬文送鳳回是年瑞體復率兵象侵迤西報戛撒之怨思箇以無援敗奔將之騰越中途為奴即都等執送瑞體瑞體殺之盡據迤西地八年巡撫饒仁侃遣舌人李阿烏諭緬阿烏至擺古見瑞體道皇帝威德引先年蔣膏王驥征麓川事瑞體末語及言罕技岳鳳不法假緬力擾漢

地瑞體陽應曰吾不知也居旬日趨阿烏還十年岳
鳳領緬兵襲破于崖土婦罕氏父臣緬今復奪其印
俘之無何莽瑞體死子應稟嗣

當岳鳳罕拔之臣緬也為瑞體招附諸夷拒中國浸
已成勢顧鳳心忌拔常譖拔于瑞體不應至是啖應
稟殺拔併木邦地時拔子進忠守木邦應稟遣弟應
龍代之拔孽子罕鳳與耿馬舍人罕虔謀共擒進忠
獻應龍乃以灣甸州景宗真為嚮導追進忠于喳哩
江進忠挈妻子內奔兵象從者不十一餘悉俘于緬
緬兵入姚閣十一年正月朔焚掠施甸剖孕婦以下

男寇永昌女寇順寧腹破得女攻順寧破猛淋寨指
揮兵繼勳千戶祁維垣死之是年冬又攻蓋達副使
刁思定求救不應糧盡城破妻子族屬盡為所擄當
是時干崖刁怕庚雷弄廖元伯遮放刁落思南甸刁
落憲蓋達刁思定皆陷于緬給事楊文舉先為保山
令稔知緬事上便宜七事詔下兵部議巡撫劉世曾
巡按董裕請以南京坐營中軍劉綎為騰越游擊移
武靖叅將鄧子龍為永昌叅將各提兵五千赴援副
以土兵應稟亦西會孟養猛密蠻莫隴川兵于猛卯
東會車里八百孟艮木邦兵于猛炎大併衆入犯姚

閔縱與子龍天破緬兵于攀枝花地斬宗真罕度首
乘勝追招色所向無敵其捷奏有名地者曰蓋達曰
隴川曰喃略曰魚刀山曰朋麻曰猛林曰南甸曰黑
猛弄曰大窩蒲曰章拜菁曰蘆子山曰猛林峽曰黃
蓮關曰夾象石曰小隴川曰西山曰六庫阿曰憂陽
曰遮放其捕獲土日有所謂賴真線乖從拍講線噲
喇倅喇亥喇斷波噲波猛喇喃捧貴欠院怕瑞喇衣
老成喇喇喇立喇莫喇應吉項乍者而行間紀功有
名則土同知高承祖土縣丞楊如攢土舍者繼崇土
勇小羅姐李八婢土婦安素儀等自十年十月至十

一年四月斬首萬餘恢復蠻地二千里乃復用蒲人
為偵探以計擒招罕招色于三尖山獲罕度妻朽妾
博招罕妻羅送獄于是縱子龍率兵出隴川猛密直
抵阿瓦阿瓦酋莽灼瑞體弟也聞官兵至大懼糾猛
密思忠蠻莫思順詣縱請降既而灼行至曩朴病死
先是灼有白象一能決勝敗不爽每出兵問之瑞體
嘗借以自隨至是問不應應裏乃以灼子乃篤改名
思斗莽肘者守阿瓦而密鳳瞻顧行間深悔緬不足
恃乃遣嫪岳亨妻刁紉子喃歇先詣降縱詰以五事
皆如約而後許之一斬陪臣首二追罕氏于崖印三

獻偽鐸四還被擄男婦五招來迤西鳳初出緬所給
鐸無干崖印不許而復遣子業烏送罕氏金牌敕書
及緬路象馬然後詣軍門請罪時世曾等謂鳳有心
計欲借之以招諸夷議處之金沙上游許不死故當
時猛哈思化迤西思威木邦罕鳳皆殺緬使詣緝降
進忠亦集其餘衆來奔會六月焙毒緬謂官軍必不
前緝乃率緬甸土舍莽永順蠻莫蠻洒阿線養凱挨
旦猛莫遮思魯得猛密所部五章蠻弄允莫八外猛
搔光腦遮傲錫跋猛廣猛矣東蚌小猛養魯諸夷兵
不避瘴暑先登斬首捕獲無算奏捷陞賞時諸夷向

背多視岳鳳為去留故縱欲暫假責效俟事平正法
而常事日索獻俘而不之察也十二年冬征南將軍
沐昌祚等檻車傳岳鳳五人及莽康啞晏得皮一人
致京師帝御皇極門受之祭告如例于是諸夷解散
蠻莫思順阿瓦莽永順孟密思忠錫跋思奇迤西思
威俱先後遁去仍投應裏詔讓縱等調劉天俸為將
軍而應裏得意令酋長喇緬臘塔荅等帥阿瓦遮浪
兵分屯遮魯哇喇麻哈憂廩補魯然勒犯哈猿喇奕
博等城而自以精兵留密堵且扎阿瓦江以為險
天俸帥指揮揚棟等擊破遮魯哇喇諸城直逼阿瓦

江緬見漢兵至驚潰乘勝斬殺生獲緬目多曩長等
拓地二千里金騰兵備李材上其事時在陣多土兵
不知取級既而復往腐濫且報數多參錯御史蘇鄩
劾李材冒切截蠻酋當緬兵謀以我兵瘴毒死者
擾曩其數仍不合軍書多欺罔帝怒逮材天俸俱下
獄法司屢上狀原罪不報時材與天俸前後上書大
抵謂執緬酋大郎長散奪者臣也從迤西戶八章軍
曩項之請遣杜拭破遮浪者臣也而謂秋毫無所捕
則當時孟乃曼散是誰捕獲遮些猛曼黑安都六是
誰安插夫金沙江去五章貫屯七八百里而遙又瘴

毒居恒尚不能往來豈有兵爭之日諸商得洋洋鼓
掉而來使臣冒殺如臺臣所言者如以為割屍抵級
則士卒當暑以疫癘死者約五百人即五百人未必
一時死隨死亦隨瘞道左何至數月後猶聚屍一方
尚無腐朽以待臣割剝乎且夷賊自報在密堵城殺
呀泄泄別在遮補城殺喃者別者在大別養寨殺嗽
瓦在晏原補魯熱城殺喇過在麻哈城殺喇別散未
聞夷商有名氏者帝終不省論棄市其後以他事出
獄見字拜傳先是思忠等歸命時朝命嘉其義以思
忠為猛密宣撫思化猛哈同知思順蠻莫安撫比信

符至而忠等已復投緬乃以忠母罕烘順母罕送各
代子領該司印至是應裏攻猛密罕烘不能拒率其
孫思禮從子思仁奔猛廣而猛密失猛哈思化復進
奔蠻莫撮之罕送率其子思華奔騰越時有問罪思
化之議巡撫蕭亦密令撫夷同知漆文昌撫化文昌
單騎入化壘化稽顙聽命且云奴有助逆西殺緬賊
功今無所歸願寄食蠻莫從之十七年孟養酋思真
為緬所擄其秤弄思遠奉思真妻來歸給以冠帶令
思遠佐思真妻守孟養而思遠乘亂自立為宣慰虐
諸部夷引緬兵至聲言還思真殺思遠妻妾同知漆

文昌率思遠思昏寄蓋西緬遂破蓋拱偽署堵罕于
孟養覲罕于孟拱而去而攻孟廣罕烘思禮奔隴川
思仁奔雅益而猛廣亦失十九年應裏欲乘勝至騰
永祭告墳墓率猛別阿瓦糾堵罕覲罕兵象圍蠻莫
思化告急時思個據迤西侵猛密以雍會為部落依
壘弄洞吾聲援而緬復助之征南將軍徵諸夷兵趨
蠻莫多俘獲至那莫江接戰會天炎官軍行不前裨
將萬國春選毅騎二百伏等練上下令夜舉火縛諸
炬于樹人執三炬植三炬地下高崗鳴金鼓喊呼震
天緬望見火光如倉卒至類十餘萬衆反踵遁而我

兵追之俘斬無筭時給事張應登上書條緬事謂騰
永去京師三千里而逢一應土官請襲者縣道不與
勘給但經啟覆動二三十載乃令土舍管事強凌衆
暴欲其部不亂難矣夫諸部分布原聽調度今策緬
事者尚道暹羅國在緬後半哇喇在緬旁當約令擾
之而我得中逸鷗蚌之勝况姚安鶴慶景東北勝蒙
化羅次之屬皆近部也夫得楞素有積忒阿瓦久懷
不利加以木邦猛廣猛羅蠻莫猛拱孟養迤西新
被讎殺而不因之以撤結諸夷令自相攻擊此為失
策至若各省直有正副總戎兩人而滇南獨以一總

戎居其省會宜改騰永叅將為副總戎其撫夷同知
不宜拘九年遷轉之例當隆其體統以運同官行同
知事鄧子龍往謂猛卯可屯今蘿蔔絲庄在三宣鼎
足之中度道里北去騰衝南甸南去隴川蠻莫西去
干崖盡達東去小隴川輕騎俱可一日至獨去芒市
二日耳誠付子龍以屯而招遠人以墾田編為令甲
願占籍者聽其自便復倣王驥故事凡武職有納粟
百石者許陞級予廕以為屯費力救軍中善造火器
者為一營歲時監造土司喧寨不得以金銀什物為
常例錢著為令是年應稟遣使等毋海弄查賈貝葉

緬文求通而思仁復叛投緬先是思仁隨罕烘奔猛
廣時有甘線姑者思忠妻也思仁乘思忠投緬于奔
行時烝嫂線姑即欲得之以為妻而罕烘不許至是
罕烘與線姑及線姑子思永皆奔隴川而思仁奔雅
蓋率兵象犯隴川欲擄線姑去會隴川宣撫多思順
有備弗克逞懼中國問罪乃同內測歸應裏應裏偽
署思仁于猛密而罕烘思禮復奔芒市二十一年應
裏欲以允墨守蠻莫思仁乃以猛密兵及猛拱堵罕
孟養窺罕集衆三十萬象百隻擁送允墨據蠻莫思
化敗走墨等立九大營深溝高壘為久駐計仍分道

內犯一入遮放芒市一入臘撒蠻額一入杉木籠並
出隴川多思順不敵奔猛卯二十二年巡撫陳用賓
出駐永昌先縣重賞購思仁頭乃以叅將王一麟攻
播哈指揮錢中選攻上關守備張先蔭攻打線中軍
盧承爵攻哈噉左右大斬獲遂克復蠻莫追之踰等
練賊狡甚僅以羸兵數人馬數匹遺道左既而以象
數隻羸兵數人遺道左而伏其勁者于箐崖中俟官
軍逼出擊之官軍遂不敢窮追而這時御史李本固
倡設關屯計而用賓成之築八關于騰衝之邊曰萬
奴曰神護曰巨石曰銅壁曰虎踞曰天馬曰漢龍每

四圍設一守備戍之而募閩人黃龔使暹羅約與得
楞夾擊緬緬初以猛卯多俺為鄉導寇我東路至是
遣木邦罕欽擒多俺殺之以絕其黨于是築平麓于
猛卯大興屯田會是時邊事旁午餉不給運米石十
金而值不與故銳意興屯三宣之內以營兵任屯其
他非營兵而額屯者聽二年小成免其賦三年大成
始十一而賦之是年緬督思仁寇蠻莫大敗之斬其
渠丙測二十六年車里老搗刀舊猛刀怕猛等入貢
而取馬罕們灣甸景從真鎮康刀悶枳蓋達刀思權
皆修貢事獨孟養思轟以來歸為緬所擊擄各土司

合款之緬潰去先是緬遣孟璉孟良及土舍刁派漢
等乞款貢詔賞應乘及子景邁荷喊拍詔銀兩使其
赴騰衝來領復申之某令曰毋陽順陰叛毋父貢子
犯毋報怨思化其較思化亦曰毋絕緬賈道而緬竟
違詔至是思化子思正乘多思順之喪襲隴川據其
妻罕氏三十年阿瓦雍罕與木邦罕拔子罕溢俱率
兵討思正當事者殺正以止其兵三十一年雍罕罕
溢亦入貢緬勢頽衰而暹羅得撈復連歲夾攻緬殺
緬長子莽機搃擺古殘破自此緬不敢內犯然蠻莫
擺古洞吾等練諸近緬部終先後附緬如初至崇禎

末蠻莫思綿為緬屬字曩木河會明亡永明王偕號
南徙與黔國公沐天波等走蠻莫思綿使告緬使
入迎之且傳語述萬曆時事并出神宗璽書索令篆
合之差一分以為偽天波出己印相比無差始服蓋
自天啟後緬竟絕職貢無可考驗故也時天波與蒲
纓謀乘間走戶臘二撒不果遂入緬居阿瓦對江阿
瓦即緬酋所居城也永明從行者皆分給土人為奴
惟岷王子八十人遁還羅去八月十五日為緬朝會
節各寨俱至強天波等行禮天波不誑同官馬吉翔
李國秦輩歸而耻之道經永明妃弟王維恭家索酒

飲維恭有蠻妓黎心令出歌舞黎心泣曰此何時尚
作樂耶吉翔怒捷之會永明將偽西寧王李定國以
兵索永明致緬兵于洞武赭硜及瑞羊岳逕抵南嘴
喇江屯洞怕別將白文選屯象腿各去緬城八十里
以無舡將造船于馬得狼井角緬大恐謀殺永明以
絕望值緬酋弟莽猛白弒兄自立慮諸蠻不伏欲示
威集兵殺永明從臣天波以下四十二人然後出兵
奠定國戰定國以十二舟濟師風發覆五舟急引還
屯黑門玖文選遽北走迎
天清師于錫泊歸命定國走景線復走猛臘道病死

而緬人縛送永明王于軍前請降時同降者有孟泉
孟定木邦蠻莫猛密孟養諸有名部皆緬屬

者繼榮羅雄土官也父濬為知州營長妻美殺營長
奪之生繼榮十四歲即持刃逐殺濬濬大驚欲置繼
榮死終以其母故不忍假為就學錮他室是囚禁之
隆慶中濬老無子乃釋繼榮出使替職繼榮據州遂
逐父父訴之鎮撫鎮撫敕繼榮迎濬濬歸繼榮陽事
之實則囚禁如他日囚已狀且別求其嫡母隆氏而
過然父妾有沙氏者不肯從經死濬密遣土目者希
訴鎮撫繼榮覺殺者希會萬曆九年大調羅雄兵鎮

緬繼榮將行恐留滯為難遂弒潘時需蓋土知州安
世昂世絕其妻安素儀典州事亦提兵赴調繼榮見
素儀大脫遂請合兵宿其營姦之且陰倚需蓋兵力
得自助而越州土舍海現其家搜資氏有殊色繼榮
夙與通至是出兵即頓兵其家縱淫樂數夕方去知
州越應奎憤甚白兵備謀匿兵資氏壁擒繼榮繼榮
脫走繼榮自以為不容于衆且陰恃兵力遂聚黨占
隣土不輸跣馬強淫諸夷婦無道先是繼榮生時有
異徵及生廣額天鼻雙目如鳳兩手垂過膝嘗曰吾
以此兩肘揮斥天下足矣至是妖僧王道妖道揚五

卽見繼榮貌大奇請依繼榮繼榮喜過望乃鍊丁甲
祠鬼殺虜妾繫旗鼓號神兵且闢場演戰象募諸土
兵別檄馬卜古獐諸部諸部多應者獨水西隆有義
沐繼榮外家畏禍且恨繼榮囚辱母隆氏不應當是
時臨安普安臨元諸兵備統土兵甚嚴而巡撫劉世
魯巡按李廷彥並移檄諸道防不測繼營乃以阿東
阿古李志明等各提兵壁法卽偏頭龍甸羊街子諸
處攻破陡坡鴨子塘六涼斬土舍沙東土婦資氏奪
其軍寨石城于赤龍山寨高插天廣六十里建龍樓
鳳閣于其中而圍以羣寨其下有龍潭九口險不可

越料諸軍妻若子盡質寨繼禁警澤樹黃蠶茄次日
幸羣寨淮諸軍妻諸軍妻無敢抗者十三年巡撫世
魯遣副使程正誼僉事鄭璧為將軍調諸土兵寧州
祿華誥嶠岷六志貞師隴勝水西隆有義霑益安紹
慶越州資氏尋甸木遇春路南番騰雲秦世文新化
普同春武定喫世功亦佐沙騰蛟令裨將劉緝萬鏊
劉紹理郭九疇李延之等統之並馳普鮮營自撒馬
發兵攻赤龍寨斬阿姑捕酋隆氏資氏海氏賊渠楊
達孝妖道楊五郎等進攻普得龍及陀木舌星諸寨
斬王道張道俘獲男婦及降賊一萬七千四百人罷

拔什物無筭追奔至阿拜江隆有義所將卒斬繼榮
捷聞賜劄世曾沐昌祚舒應龍程正誼祿華誥等調
曲靖衛中左所軍羅雄改名定雄建城設流官知州
教者繼仁續者氏後給以庄田一切簿書獄訟盡屬
流官而是後有必六必六土酋擁種居羅雄自繼榮
滅後必六襲繼榮別寨暗據其妻小隆氏且以召衆
時羅雄初城知州何侯甫赴任以土舍者繼仁繼者
氏兵衛稍弛阿六乃壁大莊寨與雷達阿非連理阿
擺阿五得六人挾四姓寨反萬曆十四年破羅雄州
殺維仁及土目李本忠田承賓等而執知州侯驛丞

張雲錦二人將出城會沙人三百人從他寨還開州
城急馳州觀必六謂其援州也大怒合兵殺沙人百
人沙人奔追之至河上復縱擊沙人溺水死殆盡時
必六兵少諸夷惡沙人死無故不直無附者而電甸
人栢林等謀殺兵討必六必六懼乃挾侯為質強侯
佯移檄太府謂沙人反破州賴必六擊賊賊棄州走
侯見待罪必六軍請給必六等冠帶旌其功而後治
侯以失守之罪時臨安兵備文作曲靖兵備金從洋
知其詐請興兵討賊都御史劉世曾止之即日給冠
帶然祇給必六電連二人使諸賊自猜忌于是購土

因丘文奎諸瓊風必給必謝必六遣阿吉諸軍門世
曾厚賚之必六喜乃與文奎宴文奎密飲諸監門值
天大風雪寒甚令倭易夷服匿諸瓊家夜出走江上
江上軍伺援者皆夜至衛倭間道至曲靖而世曾已
預遣副將李存忠叅將蔡兆吉守脩張先聲等統寧
州越州水西霑益尋甸亦佐諸土兵及馬蓬古獐沙
夷攻大莊寨破之斬必六阿五得生擒阿東阿卓等
攻都宜二硬寨破之生擒方俗阿恕者等攻阿邦亞
大箬還擊自硬普拖破之斬阿擺等攻色屋阿野迤
西七黑安草本外破之斬阿墓等其捕獲生口及斬

級俘鹵牛馬器械無算帝賜沐昌祚文作及土官祿
華誥等世曾先有諭賜告於是改羅雄州為羅平調
維摩州黃宇以同知行羅平事何俟視維摩順寧與
大候接壤皆蒲蠻也順寧土知府猛氏大候土知州
奉氏世為婚姻萬曆中順寧猛廷瑞與兄猛思賢爭
襲相攻殺而大候奉赦奉學兄弟亦然學嘗與赦分
州治各設官署上下二衛雖赦居上衛學居下衛顧
相抗無次第有司雖知之亦不問而廷瑞者奉學婿
也二十五年廷瑞興兵攻思賢奉學助之巡撫陳用
賓疏請征勦而以僉事李先著叅將吳顯忠統兵攻

城擄其寨廷瑞急請降先著不許令捨奉學自贖廷
瑞乘間迺觀音山顯忠追及之連破數寨斬奉學于
陣而廷瑞軍門誅之事聞改設順寧土官為流官知
府而改大候州為雲州設流官知州併坐先著縱賊
罪論死未幾順寧猛麻與奉赦子奉光奉學子奉恭
請復土職統矣十三寨莽抗等復搆兵叛二十八年
用賓復遣顯忠調土漢兵征之未幾平

孟定舊名景麻洪武十五年置孟定府正統間知府
刁祿孟為麓川所侵遠徙他部會木邦舍目罕葛以
從征功靖遠伯王驥令筦食其地嘉靖間木邦罕烈

侵孟定奪知府印私令舍人罕慶筦食之是為取馬
萬曆十二年官軍克取馬復以罕葛之後罕合為知
府十五年始給新印合死子榮襲榮死子貴襲崇禎
末孟定屬緬甸明亡永明偽將李定國索永明于緬
駐兵孟定合元江土兵攻孟艮兼與緬戰而孟定以
畏緬不少助定國乃徙去

臨安阿迷州普覺本東山營長宣德中以東山多寇
設巡檢司命普覺為巡檢給以印既而以他事坐廢
正德二年巡檢吳文度奏廣西雜摩王弄山與阿迷
接壤盜出沒仍令普覺後普納復繼前職給以冠帶

然或設或廢無定制至天啓中有普名昇者為馬者
哨哨頭奢安之亂每奉調從征有功巡按傅宗龍題
授阿迷土知州既而驕甚崇禎五年御史趙洪範按
臨安名昇不出迎已出戈甲旗幟列數里洪範大怒
謀巡撫王伉列奏請檄川貴兵會討黔鎮商士傑布
政周士昌擊名昇敗之進圍阿迷名昇恐陽使人約
降而陰以重賄誘吾必奎

吾必奎者元謀土知縣也其先吾氏襲知縣以罪久
廢必奎征奢安論功復官與沙源普名昇結納名昇
被圍使謂必奎曰君不聞狐死兔悲之語乎阿迷平

行及元謀矣必奎然之時必奎在調中先登與名昇
接戰陽敗走官軍辟易遂大潰士昌轉戰死事聞兵
部熊明遇責伉起譽與洪範俱被逮名昇就撫然驕
恣益甚會總督朱燦元自貴至懾之以威不敢動燦
元去跋扈如故廣西知府張繼孟甫到官昌言曰名
昇人傑顧守法人自疑之耳為牒移臨安道經阿迷
從來移牒過阿迷名昇必拆觀繼孟故為獎勵語謂
名昇可大用不宜過激名昇大喜欲一見繼孟會繼
孟謁兵備使赴臨安名昇陰遣人道候繼孟預戒下
至阿迷時當訪知州去及至熟睡不得請遂諭州治

繼孟怒立榜與者咨嗟曰此行甚急當速赴而州公
又必欲會如何乃先置驛騎使之俟而獨以數騎回
阿達名昇使還已聞繼孟言及見繼孟乃大喜過望
跪起迎坐方進茶繼孟謂曰聞公善毒人果否名昇
大驚曰如公者方恨殺身無以報何為是言易孟請
先醺遂從繼孟手取盃一仰而盡繼孟遂告別名昇
苦留之不得曰兵備有事急俟回痛飲未晚也繼孟
疾馳凡三易馬至臨安而名昇追騎將及遽入城免
是時名昇死以名昇易孟時繼孟已據毒匙問而名
昇不知也己而必奎聚衆交連陷武定祿豐楚雄諸

州縣時寧州土知州祿永命石屏州土日龍在田俱
與必奎名昇及沙源從征著名二人曾奉調至襄陽
從總理熊文燦擊破流賊草里眼射塌天于雙溝文
燦留軍前殺賊文燦敗二人乃罷歸至是黔國公沐
天波檄之統土兵會勦遂擒必奎當是時名昇妻萬
氏本江西寄籍女也狡而淫據其衆役使諸小夷選
部下壯而美者更番侍帳中會沙源與名昇往來其
子沙定海定洲三人者皆與萬通萬欲於沙氏兄弟
中擇其一為贅婿而嫌定海推魯駕官聞其兄弟名
曰天定而明配定洲因飲定海酒醜之名昇有子曰

服遠恥萬漸為興滿分寨居定洲并病殺服遠而併
其地時張獻忠已陷蜀定洲思據滇滇值必奎變定洲
赴調既至而必奎已擒定洲遂緝亂

方定洲之赴調也沐天波寶主之定洲怨言曰何為
役我會奸人饒希之余錫朋適天波金無以償錫朋
常心土司營誇天波家富定洲心動陰結都司阮韻
嘉張國用袁士弘為內應以十二月朔入城辭行天
波以家恙未出見定洲率衆譟而入白日焚劫天波
由小竇西遁時祿永命在城方巷戰拒賊從官周鼎
止夫波留討賊天波疑鼎誘已殺之其母陳氏妻焦

氏走城北普吉村之金井巷皆舉火自焚死定洲乃
書得沐氏所有盤踞省城刼巡撫吳兆元為題請代
天波鎮滇而執故閣臣王錫衮錮之傳檄州縣永命
與龍在田俱引所部去萬時居阿達聞曰吾家當為
此賊敗矣謀至省執定洲投誠既至見定洲揚揚鹵
簿警蹕建旗纛晨夕拊鼓與王侯等乃大喜問天波
所在因決策追天波至楚雄時楚雄為必奎新破金
滄副使揚畏知奉調至楚雄楚雄留之及見天波將
合力計守禦未具畏知乃曰公在楚賊必以全力聚
攻聚攻必破何不西走永昌使楚得為樞賊即西追

恐楚塞其後留攻楚又恐公從西來首尾牽制上策也天波從之定洲至楚都城閉不得入畏知乃遣人結之定洲去遣其黨王朔李日芳等分攻大理蒙化陷之屠殺甚慘畏知乘間撤城外居民盡入城清四野築障濬隍撤調土漢兵守之定洲聞永命各守固不敢至永昌至是恐畏知截其歸路急還兵攻楚雄雖百攻不下值畏知坐城樓賊發巨礮擊之烟焰籠畏知賊謂已死及烟散畏知端坐如故因相驚為神畏知伺賊間輒出奇兵擊賊所殺甚夥久之賊引去復東攻石屏不下還攻寧州永命戰死于是迤東稍

稍定乃復攻楚雄分兵為七十二營每七營統大營
一環城圯濠為久困計會張猷忠死其義兒孫可望
率殘兵由遵義入黔詐稱黔國焦夫人弟來復仇民
以苦沙亂望其來迎之不知為賊也定洲解楚雄圍
去禦于葶泥關大敗遁歸阿迷可望破曲靖及交水
俱屠之遂由陸涼宜良入省據城池官署法禁苛切
較昔尤甚既而分遣李定國狗迺東諸府而可望自
率兵西出畏知禦于啟明橋兵敗被執可望聞其名
不殺誘降之曰吾今不為賊矣與爾共扶明如何畏
知曰果爾當從吾三事一不用猷忠偽號二不殺百

姓三不擄婦女可望皆許之即折箭對誓乃以書諭
天波如畏知言天波亦歸省而李定國之徇臨安者
定洲部目李阿楚駐守拒戰甚力定國穴地置礮礮
發而城陷屠之殺城中官民于城外白塲合七萬八
千餘人斬獲不與焉初意定國破臨安必襲阿達取
定洲乃僅掠臨安子女而回過河西攻破晋寧而屠
其城并屠昆陽呈貢歸化殺數十萬人且盡殺臨安
所獲婦女數千人于路是時迤西以畏知在軍免屠
戮而迤東之殺與獻忠同乃旋師與可望會定國借
可望及艾能奇劉文秀四人皆獻忠義兜稱四王拆

呈貢昆陽二城磚石及會城民居萬間造四王府于
演武塲而尊可望為國主置六部官鑄興朝通寶銅
錢括近省田地及鹽井井利可望欲示威戲下念同
儕獨定國抗顏急縛定國于演武塲聲其罪狀之百
命定國取定洲以贖罪定國雖憾之顧相奉以無如
何遂承命行初定洲歸屯兵洱葦菴與萬氏分險守
且移通安南借其援以自固會其日有陽嘉賓者迎
定洲就營飲宴定國偵得之率兵圍營凡相拒數月
出降遂拔定洲萬氏等數百人回省剝其皮市中